

長者女菴提遮師子吼了義經
一切智光明仙人慈心因緣不食肉經

二百二
行四

48782



二經合卷

長者女菴提遮師子吼了義經

一切智光明仙人慈心因緣不食肉經



行四

長者女菴提遮師子吼了義經似秦什師文意

失譯人名開元拾遺附梁錄

如是我聞一時佛住舍衛國祇樹給孤獨園

與無量比丘比丘尼優婆塞優婆夷菩薩摩

訶薩象俱尔時去舍衛城西二十餘里有一

村名曰長提有一婆羅門名婆私臆迦在其

中住其人字問廣博深信內典敬承佛教時

婆羅門欲設大會至祇洹所請佛及僧佛則



受其請婆羅門還家

又剋其時佛與大衆往詣彼村至婆羅門舍
尔時長者見佛歡喜踊躍不能自勝即率諸
眷屬來至佛所各各禮佛恭敬而住其婆羅
門有一長女名菴提遮先嫡與人暫來還家
侍省父母其女容貌端正其度高遠用心柔
行四下其懷豁然能和夫妻侍養親族事夫如禁
其儀無比出於群類父母眷屬皆出見佛唯
有此女獨在室內其女

自以生來父母莫測其所由故名之菴提遮
尔時如來即知長者有一女在室內未出亦
知其不出所由其若出者利益無量大衆及

諸天人佛即告長者言汝之眷屬出來盡耶
其婆羅門束手長跪佛前以此女不出之狀
將之為耻默然未答佛則知其意仍告之言
中時向至可設供耶時婆羅門即承佛教起
設供養大眾及其長者眷屬中食已訖唯有
此女未及得食時如來鉢中故留殘食遣一
化女將此餘食與彼室內女菴提遮時化女
人以偈告曰
此是如來餘 魚上勝尊賜 我當承佛教
願仁清淨受

其女菴提遮即以偈歎曰

嗚呼大慈悲

知我在室已

今賜一味食

尋仰覩聖旨

復以偈答彼化女曰

我常念所思

大聖之所行

未曾與汝異

何事不清淨

其化女聞菴提遮說偈已即沒不現其女菴

提遮以心念誦偈曰

我夫行四今何在

願出見勝尊

願知二我淨心

速來得同聞

尔時菴提遮淨心力故其夫隨念即至其所

是女菴提遮見其夫以心生歡喜以偈歎曰

嗚呼大勝尊

今隨濟我願

不辭破小戒

恐當不同聞

其夫見菴提遮說偈言已還以偈責曰
嗚呼汝大癡 不知善自宜 勞聖賜餘食
守戒竟何為

時女菴提遮即隨其夫往詣佛所各自禮佛
及諸大衆恭敬而立時女菴提遮以偈歎曰

我念大慈悲 救護十方尊 欲設秘密藏

賜我淨餘食 大聖甚難會 世心有所疑

誰可問法者 發衆菩提基

爾時舍利弗即白佛言世尊此是何女人忽
今來至此復說如是法偈言得餘食

佛告舍利弗言此是長者女復問曰從何而

來何因至此

佛告舍利弗此女不從遠來只在此室雖有
父母眷屬其夫不在以自誠敬順夫因緣故
不從父母輕尔出遊現於大衆

尔時舍利弗白佛言是女以何善因故生此
長者家其容若此復以何因緣故得如是士

夫禁約若此不能自由見佛及僧

佛即告舍利弗汝自問之時舍利弗問其女

曰汝以何因緣生此長者家復以何因緣得
如是人為夫禁戒若此不能自由見佛及僧
其女奄提遮以偈答曰

我以不惡生 生此長者家 又不執女相

得是清淨夫 我在內室中 以為自在竟

是分未曾越

聖知賜我餘

嗚呼今大德

不知真實由

絲毫不負越

故名大自在

我雖內室中

尊如目前現

仁稱阿羅漢

常隨不能見

大聖非是色

亦不離色身

聲聞見波旬

謂是大力人

嗚呼今大德

隨聖少方便

不知本元由

於我生倒見

今時舍利弗默然而止私自念言此是何女

人其辯若此我所不及佛即知其意而告之

曰勿退於問答生於異心是女人已經值無

量諸佛所說是法藥勿疑之也

尔時文殊師利問菴提遮曰汝今知生死義

耶答曰以佛力故知

又問曰若知者生以何為義答曰生以不生
生為生義又問曰云何不生生為義耶答曰
苦能明知地水火風四緣畢竟未曾自得有
所知合而能隨其所宜有所說者以為生義
又問曰若知地水火風畢竟不自得有所和
合為生義者即應無有生相將何為生義答
曰雖在生處而無生者是為正生故說有義
文殊又問曰死以何為義耶答曰死以不死
死為死義又問曰云何以不死死為死義耶
答曰若能明知地水火風畢竟不自得有所
散而能隨其所宜有所說者是為死義又問
曰若知地水火風畢竟不自得有所散者即

無死相將何為死義答曰雖在死處其心不
亡者是為正死故說有義文殊師利又問曰
常以何為義答曰若能明知諸法畢竟生滅
變易無定如幻相而能隨其所宜有所說者
是為常義又問曰若知諸法畢竟生滅無定
如幻相者即是無常義云何將為常義耶答
曰諸法生而不自得生滅而不自得滅乃至
變易亦復如是以不自得故說為常義也又
問曰無常以何為義答曰若知諸法畢竟不
生不滅隨如是相而能隨其所宜有所說者
是為無常義又問曰若知諸法畢竟不生不
滅者即是常義云何說為無常義耶答曰但

以諸法自在變易無定相不自得隨如是知者故說有無常義又問曰空以何為義答曰若能知諸法相未曾自空不壞今有而能不空空不有有者故說有空義又問曰若不空空不有有者即無有事將何為空義耶其女

菴提遮則以偈答曰

行四

嗚呼真大德

不知真空義

色無有自性

五

豈非如空也

空若自有空

則不能容色

空不自空故

衆色從是生

今時文殊師利又問曰頗有明知生而不生相為生所留者不答曰有雖自明見其力未充而為生所留者是也又問曰頗有無知不

識生性而畢竟不為生所留者不答曰無所
以者何若不見生性雖因調伏少得安處其
不安之相常為對治若能見生性者雖在不
安之處而安相常現前若不如是知者雖有
種種勝辯談說甚深典籍而即是生滅心說
彼實相密要之言如盲辯色因他語故說得
青黃赤白黑而不能自見色之正相今不能
見諸法者亦復如是但今為生所生為死所
死者而有所說者乃於其人即無生死之義
耶若為常無常所繫者亦復如是當知大德
空者亦不自得空故說有空義耶

今時禘告文殊師利如是如是如菴提遮所

說真實無異日可令冷月可令熱是菴提遮
所說不可移易

時舍利弗復問其女曰汝之智慧辨才若此
佛所稱歎我等聲聞之所不及云何不能離
是女身色相也其女答曰我欲問大德即隨
意答我大德今現是男不

行四

六

舍利弗言我雖色是男而心非男也其女言
大德我亦如是如大德所言雖在女相其心
即非女也舍利弗言汝今現為夫所拘執何
能如此其女答曰大德能自信已之所言不
舍利弗言我之自言云何不自信其女答曰
若自信者大德前言說我色是男而心非男

者即心與色有所二用也若大德自信此言者即於我所不生有夫之惡見大德自男故生我女相以我女色故壞大德心也而以自男見彼女者則不能於法生實信也舍利弗言我於汝所不敢生於惡見其女答曰但以對世尊故不敢非是實言也若實不生惡見者云何說我言汝今現為夫所拘執耶是言從何而來舍利弗言我以久離習故有此之言非實心也其女問曰大德我今問者隨意答我大德既言久離男女相者大德色久離耶心久離耶時舍利弗默然不答尔時菴提遮以碓頌曰

若心得久離

畢竟不生見

誰為作女人

於色起不淨

若論色久離

法本不自有

畢竟不曾汙

將何為作惡

嗚呼今大德

徒學不能知

自男生我女

豈非妄想非

悔過於大衆

於法勿生疑

我上所言說

是佛神力持

行四

時菴提遮說 是偈已其比丘比丘尼七優婆塞

優婆夷諸天及人一千餘人得阿耨多羅三

藐三菩提心有五千衆於中得無生法忍者

得法眼淨者又得心解脫者其無量聲聞衆

而於佛法自生慚耻者無量

尔時佛告舍利弗是女人非是凡也已值無

量諸佛常能說如是師子吼了義經利益無
量諸衆生我亦自與是女人同事無量諸佛
已是女人不久當成正覺是諸衆中於是女
人所說法要即能生實信者皆已久聞是女
人所說法故今則能生正信是故應當諦受
是師子吼了義經勿疑之也佛告阿難言汝
當受持此長者女菴提遮以師子吼說了義
問答經章句次第付囑於汝汝當諦受阿難
白佛言唯然世尊今悉受已尔時大衆聞女
菴提遮說法已心大歡喜踊悅無量各自如
說修行

長者女菴提遮師子吼了義經

一切智光明仙人慈心因緣不食肉經

大乘單本

失譯

如是我聞一時佛住摩伽提國寂滅道場彌
加女村自在天寺精舍時有迦波利婆羅門
子名弥勒軀體金色三十二相八十種好放
銀光明黃金校飾如白銀山威光無量來至
佛所行四

爾時世尊與千二百五十比丘經行林中又
有結髮梵志五百人等遙見弥勒威儀庠序
相好清淨五體投地如銀山崩成金花聚衆
寶間廁金花金臺七寶為果於臺閣中有妙
音聲滿說偈言

我見牟尼尊 面貌常清淨 百福相奇特
世間無倫匹 煩惱垢永盡 智惠悉成滿
一向常歸命 身心無疲倦 故我以五體
欲得勝安樂 脫苦無所畏 敬禮釋迦文
時諸梵志見聞此事白佛言世尊如此童子
威儀庠序光明無量與佛無異於何佛所初
發道心受持誰經唯願天尊為我解說
佛告式乾梵志汝今諦聽善思念之吾當為
汝分別解說令汝歡喜乃往過去無量無邊
阿僧祇劫時有世界名勝華敷佛号弥勒恒
以慈心四無量法教化一切彼佛說經名慈
三昧梵大慈悲海雲若有聞者即得超越百億

萬劫生死之罪必得成佛無有疑慮時彼國中
有大婆羅門名一切智光明聰慧多智廣
博衆經世間技藝六十四能無不綜練聞佛
出世說慈三昧光大悲海雲經即以世間一
切義論難詰彼佛盡其辭辯而不能屈即便
信伏為佛弟子尋發阿耨多羅三藐三菩提
行四心而作是言我今於佛法中誦持大慈三昧
光大悲海雲經以此功德願於未來過等數
劫必得成佛而号弥勒於是捨家即入深山
長髮為相修行梵行八千歲中少欲無事乞
食自治誦持是經一心除亂彼時世間有兩
星現國王淫荒孽星橫流連雨不止洪水暴

長仙人端坐不得乞食經歷七日時彼林中
有五百白兔有一兔王母子二獸見於仙人
七日不食而作是言今此仙人為佛道故不
食多日命不云遠法幢將崩法海將竭我今
當為無上大法令得久住不惜身命即告諸
兔一切諸行皆悉無常象生愛身空生空死
未曾為法我今欲為一切象生作大橋梁令
法久住供養法師尔時兔王即為群兔而說
偈言

若有畜生類 得聞諸佛名 永離三惡道

不生八難處 若聞法奉行 生處常值佛

信法無疑惑 歸依賢聖僧 隨順諸戒行

如是疾得佛 必至大涅槃 常受無上樂

尔時兔王說此偈已告諸兔言我今以身欲
供養法汝等宜當各各隨喜所以者何我從
多劫喪身無數三毒所使為鳥獸豕唐生唐
死未曾為法吾今欲為無上法故棄捨身命

供養法師時山樹神即積香薪以火然之兔

行四

十

王母子圍遶仙人足滿七帀白言大師我今
為法供養尊者仙人告言汝是畜生雖有慈
心何緣能辦兔白仙人我自以身供養仁者
為法久住令諸衆生得饒益故作此語已即
語其子汝可隨意求覓水草繫心思惟正念
三寶尔時兔子聞母所說跪白母言如尊所

說無上大法欲供養者我亦願樂作此語已
自投火中母隨後入當於罽薩捨身之時天
地大動乃至色界及以諸天皆雨天花持用
供養肉熟之後時山樹神白仙人言兔王母
子為供養故投身火中今肉已熟汝可食之
時彼仙人聞樹神語悲不能言以所誦經書
置樹葉又說偈言

寧當然身破眼目

不忍行殺食衆生

諸佛所說慈悲經

彼經中說行慈者

寧破骨髓出頭腦

不忍噉肉食衆生

如佛所說食肉者

此人行慈不滿足

當受多病短命身

迷沒生死不成佛

時彼仙人說此偈已因發誓言願我世世不起殺想恒不噉肉入白光明慈三昧乃至成佛制斷肉戒作此語已自投火坑與兔併命是時天地六種震動天神力故樹放光明金色晃耀照千國土時彼國中諸人民等見金色光從山樹出尋光來至既見仙人及以行四兔死在火中見所說偈并得佛經持還上玉王聞此法傳告共宜令聞此者皆發無上正真道心

佛告式乾汝今當知今時白兔王者今現我身釋迦文尼佛是時兔兒者今羅睺羅是時誦經仙人者今此象中婆羅門子弥勒菩薩

摩訶薩是我涅槃後五十六億萬歲當於攘
佉轉輪聖王國界萃林園中金剛座處龍萃
菩提樹下得成佛道轉妙法輪時五百群兔
者今摩訶迦葉等五百比丘是時二百五十
山樹神者舍利弗目捷連等二百五十比丘
是時千國王跋陀婆羅等千菩薩是彼三國
土諸人民等得聞經者從我出世乃至樓至
於其中間受法弟子得道者是
佛告式乾菩薩求法勒苦歷劫不惜身命雖
復從報受畜生身常能為法不惜軀命投於
火坑以身供養便得超越九百萬億劫生死
之罪於是得在恒河沙等無量諸佛先亦先

彌勒前得成佛道汝等云何不勤為法

佛說是語時式乾等五百梵志求佛出家佛言善來鬚髮自落即成沙門佛為說法豁然

意解成阿羅漢八萬諸天亦發阿耨多羅三藐三菩提心時會大眾聞佛所說各各稱讚

菩薩所行舍利弗白佛言時被仙人投火坑

行四

十二


已為生何處佛告舍利弗時被仙人投火坑已生於梵世普為一切說大梵法乃至成佛

轉大梵輪所說經典亦名慈三昧光大悲海雲所制波羅提木又不行慈者名犯禁人其食肉者犯於重禁後身生處常飲熱銅至彼仙人得作佛時如彌勒菩薩下生經說尊者

阿難聞佛所說即從座起偏袒右肩右膝著地合掌向佛叉手長跪而白佛言世尊弥勒成佛所說戒法乃以慈心制不食肉為犯重禁甚奇甚特時會大眾異口同音皆共稱讚彼國衆生不食肉戒願生彼國世尊悉記當得往生尊者阿難復白佛言當何名此經云何受持之佛告阿難此法之要名白兔王菩薩不惜身命為無上道亦名一切智光明仙人慈心因緣不食肉經如是受持尊者阿難及諸比丘聞佛所說歡喜奉行

一切智光明仙人慈心因緣不食肉經 行

行四



山城國綴喜郡荊村
靈瑞山剛恩菴沙門宗桂書寫之

十三

